

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلانانک بهرنندن بر مجیدیه اخذ
ایدیلور

نسخه سی ۴۰ پاره در

کتابخانه عدلیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تجربیات

بغداد ولایتی مرکز تجارت محکمه سی ریاستی
حلب ولایتی مرکز بدایت محکمه سی مدعی عمومی
معاونی فتوتو لمصطفی خلوصی افندی به

حلب ولایتی مرکز بدایت محکمه سی مدعی عمومی
معاونلکی بغداد ولایتی مرکز تجارت محکمه سی
رئیس فتوتو واحد کامل افندی به

غوسینه قضاسی بدایت محکمه سی مدعی عمومی
معاونلکی اخته بولی قضاسی بدایت محکمه سی
مدعی عمومی معاونی توفیق افندی به

اخته بولی قضاسی بدایت محکمه سی مدعی عمومی
معاونلکی غوسینه قضاسی بدایت محکمه سی
مدعی عمومی معاونی یوسف ضیا افندی به

کره بنه قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن علی
سری افندی به

متروویچه قضاسی بدایت محکمه سی مدعی عمومی
معاونلکی دولینه قضاسی بدایت محکمه سی مدعی
عمومی معاونی نهاد افندی به

دولینه قضاسی بدایت محکمه سی مدعی عمومی
معاونلکی متروویچه قضاسی بدایت محکمه سی
مدعی عمومی معاونی حاجی راشد افندی به تفویض
بیورلش ومومی الهمدن محلف اولمیان علی سری
افندینک امر تحلیفی در دست اجرا بولنشددر .

تجربیات و تحولات

طاشایچه سنجانی بدایت محکمه سی اعضا غنه
قومانوه قضاسی بدایت محکمه سی اعضا سندن اطناش
افندی

قومانوه قضاسی بدایت محکمه سی اعضا غنه
مستخدمین عدلیه دن عبدالمسیح افندی
رادویشته قضاسی بدایت محکمه سی اعضا غنه

لسقویک قضاسی بدایت محکمه سی اعضا سندن عباس
فرید افندی

لسقویک قضاسی بدایت محکمه سی اعضا غنه
رادویشته قضاسی بدایت محکمه سی اعضا سندن ادریس
افندی تعیین اولنشددر .

تجربیات

اموال ایتامک صورت اداره سی حقنده تعدیلاً
قلمه آلتوب مرعیت احکامنه بالاستیدان اراده
سنیه جناب خلافتپناهی شرفصدور بیوریلان
نظامنامه در

برنجی فصل

ترکاتک صورت تحریرینه و معاملاتنه دائر در

برنجی ماده در سعادت و بلادئله و بالجمله ممالک
محروسه شاهانه ده تبعه دولت علیه دن اولوب وفات
ایدنلرک ترکه سی موجب تحریر اولدینی حالد منسوب
اولدینی محکمه شرعیه دن تحریر اولنور .

ایکینجی ماده بر ترکه نک تحریرینی ایجاب ایدن
اسباب متوفانک ورئه سنده یتیم یعنی اون بش یاشنی
اکمال ایتامش وارث بولنسی و یاخود ورئه دن برینک
مدت سفر بعید دیار آخرده اولسی و یاخود متوفی
مدیون اولوب ورئه سی دینی بالقبول ترکه یی استخلاص
ایتملری و یاخود ظاهرده اصلا وارثی اولماسی
واسباب مذکورده دن بریسی موجود اولیوبده یالکیز
احد ورئه نک طلب تحریر ایلسی ماده لرندن عبارتدر .
اون بش یاشنی اکمال ایتاملرک بالغ اولدقلرینه دائر
اقامه ایده چکلی دعوالری حکام شرع استماعدن
منوعدر .

اوچنجی ماده ترکه نک تحریری لازم کلدکده
سهولته کتم واضاعه سی ممکن اولان نفود و مجوهرات

و کتب و بونلره مائل ذی قیم اموال و اشیا ولزوم
کورلدیکی حالد تحریر ترکه یه قدر ورئه نک استعمالنه
محتاج اولدقلری اشیا دن ماعدا بالجمله اموال منسوب
اولدینی محکمه شرعیه دن کوندریله چک مأمورلر
معرفتاریله و ممکن اولدینی صورتده ورئه کبار و محلات
وقری ائمه و مختارانی و پاپاس و خاخالرندن و خان
اوطه باشیلرندن بری حاضر اولدینی حالد محکمه یه
مخصوص اولمق اوزره غروش و جنس اشیا و اسامی
مشتری و اشیا ی عینه ایله ملاحظات خانلی مطبوع
دفتره علی وجه المفردات جنس و نوعیه و بر ترتیب
منتظمه قید و تحریر و دفترک زیری ذوات حاضره
طرفندن تحقیم اولنوب یوم تحریر بالتعین ترکه نک
بیع و تحریرینه ابتدار اوله جنی ورئه و سائر یه
اعلان اولنور .

دردنجی ماده بر یکمسه نک ترکه سی موجب
تحریر اولدینی حالد وفات ایتدیککی خبر آلتدقده
حکام شرعیه نزدنده بولنق اوزره طبع ایتدیریله چک
قوچانی ورقیه متوفانک اسم و شهرتی و محل وفاتی
و ترکه نک تحریرینه مأمور کاتب و محضر و سائر نک
اسملری و درجه مأذونیتلری خانه مخصوصه تحریر
و قطع اولنه جق جهتی محکمه شرعیه نک حاکمی طرفندن
بعد التخیم مأموری یدینه اعطا اولنه جق و بومقوله
ورقه یی حامل اولمیان مأمور ترکه تحریرینه تصدی
ایدر ایسه ورئه و اولیا و محلات امام و مختارلریله پاپاس
و خاخالر و اوطه باشیلر طرفلرندن ترکه نک
تحریری یوم آخره تعلیق اولنه رق کیفیت حاکمه
بیلدیریله چکدر . طشره نواحی نوایی بومقوله ورقه
اخذندن مستثنا اولوب انحق التجی ماده ده بیان
اولنان دفتری طومتغه مجبور اوله جقدر . ترکه نک
تحریرینه مأذون اولان کاتب یدنده بولنان ورقده
محور و طیفه سنی تجاوزله مأذون اولمادینی بر معامله یی
اجرا ایدر ایسه منسوب اولدینی حاکم طرفندن
قبول و تنفیذ اولنیه جقدر .

بشنجی ماده مقدار مخفی یکرمی بیک غروشی
متجاوز اولان ترکه نک مصارفی ترکدن تسویه اولنق اوزره

یوم و محل مزایده غزته لرله و وسائط ساثره ايله اعلان ایندیریهلک و یوز بیک غروشه بالغ اوله جق ترکه لرده احکام نظامیه نک حسن ایفاشنه نظارت اتمک و مخالف نظام برحال وقوع بولور ایسه درسعادته مجلس اداره اموال ایتمه و طشرده مجالس ادارهیه رسماً اخبار کیفیت ایلک اوزره درسعادته مجلس اداره اموال ایلتجه وقوع بوله جق انتخاب اوزرینه طرف مشیختدن و طشرده مجالس اداره نک تنسیب وقراری ايله بر مأمور تعیین ایدیهلکدر .

النتیجی ماده دردنجی ماده ده بیان اولنان رخصتنامه بی حامل اولان کاتب رفاقتده بولنان محضر و سارینی بالاستصحاب محل ترکیه واردقده محکمه به مخصوص اولقی اوزره غروش و جنس اشیا و اسامی مشتری و اشایی عینیه ايله سندات و ملاحظاتی شامل تنظیم اوله جق مطبوع دفترک بحیفه مخصوصه سته اولامتوفانک اسم و شهرت و مأموریت ورتبه و صنعتی و حامل اولدینی نشانی و محل وفاتی و وارث معروف و معروفه سنک و ورثه کبار و وکیل مسجل شرعیلرینک واولیا و اوصیانک اسملریه طلب و التماسلری و ورثه ذائب و غایبه بولندینی حالده حصه سی با معرفت شرع شریف بیعه ویا وکیل مسجلنک حضورینه دکن امانه حفظه مأمور اولان درسعادته بیت المال و طشرده ایتم مذبزلرینک ویا وکیل شرعیلرینک اسملری ايله کذلک طلب و التماسی تحریر و تاریخ وضعیه حضوری لازم اولان و متوفانک ورثه سی تعریف و انحصار و راتی اخبار ایدن ذواتک اسملری درج و بیان و ذوات مومی الهیه امضا و تحم ایندیردکن صوکره اشبو دفتر موجبجه خزینه فیائیه مزایديه ابتدار و صائیه جق اشیا قاچ غروشه وقره ایدرایسه نمنک مقداری سالف الیان دفترک خانه مخصوصه قید ایدیهلکدر .

(مابعدی وار)

محاکمات قضاة

چال قضای اهایسندن حاجی خلیل اوغلی ابراهیمک اوکنه کچرک شهرسلاح ايله برابر اچمستی اخذ و غضب ایلدی ادا اولمسندن دولای جنایتله اتهام اولنان راشد بن محمدک درت سته مدته کورکه قولنسه داتر دکتری سنجانی بدایت محکمه سی جزا داره سندن ویریلان ۵۵ نومرولی اعلام اکسارحو قسقی اوغلی بقال یانینک مغازه سته لیلانک اختار اویدیره دق بالدخول باموقلری سرق ایلدیگری ادا قلمسندن دولای جنایتله اتهام اولنان

حسین بن حاجی حسن و طاهر بن حسنک اوچر سته مدته کورکه قوللرینه داتر آیدین ولایتی استیفاف محکمه سی جزا داره سندن ویریلان ۱۵۵ نومرولی اعلام حسن شامی قریه سی خرملری احرار ایتدیکی ادا اولمسندن دولای جنایتله اتهام اولنان محمدک اوچر سته مدته کورکه قولنسه داتر موصل ولایتی استیفاف محکمه سی جزا داره سندن ویریلان ۱۱ نومرولی اعلام محکمه تمیز جزا داره سنجه تصدیق قلمشدر .

۶۶۰ نومرولی نسخه ده مندرج درسعادت

جنایت محکمه سی اعلامنک بقیه سی :

حقوق عمومی شهودندن ازلی قریه سنده ساکن چوبان یکری درت یاشنده چوبان اوغلی ظفیری ولد استاورینک ورود ایتدیکی اکلاشلمش و شهود مستعمه دن لدی السؤال مرقومک اذمید جهته عزیمت ایتدیکی فقط هانکی محل قریه سینه کیتدیکی بیلمدکری سوبلریله مطالعه سی صوریلان معاون مومی ایه مرقومک جلی قابل اولمادیندن افاده مضبوطه استنطاقیه سنک قرائتیه اکتفا اولمستی طلب ایلکله و عند الاستدکار اذمید سنجانی داخلده غیر معلوم بر محله عزیمت ایش اولان شاهد مرقومک تحری اولنسه بیه بولنه میه جی مثبت و طلب واقع موافق مصلحت اولدینی قرارگیر اوله رق بناء علیه افاده مضبوطه استنطاقیه سنک قرائنده برکون وقت ظهرده قبول ترلاندن حیوانلری اوتلاتمده ایکن عموجه عموجه دیو برچوجق سسی ایشتمش ایسه ده کیمک صداسی اولدینی اکلایه مدینی وساعت طقوز بیجه طوغری مقتول حسینک اودون کسمکده اولدینی محک قارشو طرفنده اودون کسمکده اولان مصدق اغانک زردینه بالغزیه برآز مک ایتدکن صوکره قریه به عود ایدیه جکی صرده متهامندن رضانک برادری اسماعیل ایه کندی طاغرنده اودون کسمکده اولدقاری کوروب کویه عودت ایتدیکی و اوکیجه حسینک جنازه سی کویه کتوردکری و ایشتمدیکی سس برسات مسافه دن کلدیکی وحسینک بولندینی محل ایه متهام رضا و اسماعیلک بولندقاری محل آرمی برقروشون منزلی قدر اولدینی بیاندن عبارت ایدوکی اکلاشادی

قرائت اولنان اشبو افاده به قارشو نه دیه جکی متهامندن صورلدقده سکوتده بولندیر بوسره ده قریه مذکورده ساکنلرندن بعض قادینلرک افاده لرینک مستطقی طرفندن ضبط اولمش اولدینی و ایشه تعلقی بولندینی اکلاشلماغه جانب

ریاستدن اظهار حقه مدار اولقی اوزره قرائتنک تنسیب ایلدیکی بالیان او قوتدیرلدقده ازلی قریه سنده مقیمه متهامندن رضانک زوجیه سی یکری یاشنده نائمه بنت شاکرک برهفته لقی کلین اولدینی زوجی رضانک بوطورلری جنازه نک دفن اولندینی کون بیکارده بیقامدینی ووقعیه داتر معلوماتی بولنادینی و قریه مرقومه ده یوسفک زوجیه سی قرق یاشنده عایشه خانم بنت ابراهیمک مقتول حسینک والده لکی امینه نک اوغلی مقتول حسینک چاشورلری درده بیقادینی زمان رضانک زوجیه سی دخی بوطور و ساری بیقامعه کلدیکی و قمرزی صونک آقیدینی مزبوره امینه دن ایشتمش ایسه ده کندوسی کورمدیکی و کذلک قریه مرقومه ده مقیمه رجبک زوجیه سی قرق یاشنده سعیده خانم بنت یوسفک دخی عایشه خانمک افاداتی داره سنده حکایه حال ایلدیکی حاوی اولدینی منظم اولدی .

اشبو قرائت اولنان افادته قارشو نه دیه جگری دخی متهامندن صورلدقده بولندن رضا قبول ایتیم سوزنی ایراد و اسماعیل دخی برکونه معلوتی اولدینی یاد ایلدیر .

طرفینک توسیع تحقیقاته متعلق بشقه مطالبی اولمادینی لدی السؤال اکلاشلماغه تحقیقاتک بوندن عبارت ایدوکی بیان اولندقده معاون مومی ایه متهام رضا و اسماعیلک بالاشتراک حسینک تعدماً جرح و قتل ایلدیگری اخبارات و معاینه راپوری ضبط ورقلری مندرجاتی ایه ثابت اولدیندن اولوجهل مجرمیلرینه و مظنون علیها علی و مختار بکرافدیلرک دخی مقتولک جسدی اخفا قصدیه دفن ایتدیگری اکلاشیه میوب اثبقی خلاف تنیه دفن ایلدیگری تبین ایتدیکسندن آنلرکده فعل مذکورک فاعلری اولدقارینه قرار ویرلسنی طلب دعوی ایلدی .

وکیل مدافع حمدی افندی راپورده جرحه لرک قایله ایقاع ایلدیکی کوسرلمش ایسه ده قانک منتظم صورتده اجرای فعل ایدیه جکی وعمود فقری بی دخی اولوجهل کسه جکی بدییی اولدینندن راپورده بیان اولنان احوال یکدیگریکی مناقض کوردیکی و متهامندن رضانک البسه سنده وقاده دم لکمه سی بولنادینی کبی اومقوله لکدنک هیچ برصورتله ازاله سی دخی قابل اولمادینی جهته موکلرندن رضانک معصوم ایدوکی و شاهدلرک جمله سی قبل الوقعه مقتول ایه میانه لرده حادث شقاظرزنده کی منازعه بی سوبلدیگری ملابسیه سی شهادت لرینک مدار حکم عد ایدیه میه جکی و جریان احوالندن استدلال قلدیغه کوره مقتول حسینک حیوانات وحشیه طرفندن تلف ایلدیکنک اکلاشادیق بیان ایه اول امرده رضانک برائته و بوسورت قابل اولمادینی تقدیرده منازعه وقعه دن یکری کون مقدم

حادث اولدینندن وقعه دیکن حدت و شدتک زائل اولمی بدییی بولندینندن و اوئانده تکرار منازعه ایتلری اوزرینه موکلکی رضا طرفندن تصور و تصمیم اولمقسزین بالتهور ایقاع ایلدیمی عقله مقارن ایدوکندن و موکلنک لهنه اولان جهتنک ترجیحی لازمه دن اولدینندن متهوراً قاتل اولقی اوزره مجرمیتنه و دیگر متهام اسماعیلک بختنه کلنجه قبل الوقعه وقعی سوبلنیلان منازعه ده بولنامش ایدوکی و کندوسنک اشبو قتله دخل و اشتراکنه داتر برکونه اخبار و اماره بولنادینی ایلدن برائت ذمتنه قرار ویرلسنی استدعا و متهام رضا و اسماعیل ایه مظنون علیهما علی و بکر افندیلر دخی بشقه دیه جگری اولدینی انبا ایتلریله محاکمه نک اختتامی افهام اوله رق مذاکره او طه سته کیدلدی .

محاکمت جاریه دن استنباط و اوراق تحقیقیه دن التقاط اولنان اسباب تلخیص اوله رق شو وجهله مذاکره کیفیتیه کیریشلدی : قیلاً وفات ایتش اولان اون اتی یاشنده حسینک ماده قتلندن طولای ایتهم ایدیلان رضا و اسماعیل قتل آنف الکرده دخللری اولمادقاری سرده قیام و مدافعه وکیللری حمدی افندی دخی متهامندن رضا حقدنکی دلائلک حکمه کافی اولمادینندن برائته و قاتل متهور اولقی اوزره مجرمیتنه و اسماعیلکده برائت ذمتنه قرار ویرلسی لازم کله جکی بولنده ایراد کلام ایلدیگرنده دلائل مستحصله حاده تدقیقندن کچورلدکده وقعه کونی مقتول حسینک برای احتطاب طاغه کیتدیکی و اخشامه عودت ایتدیکی آنالی طرفندن بیلدرلسیه برای تحری کیتدکرنده قریه برسات مسافسی بولنان طاشلی برون نام محله برکورکن اغاجی التنده میتاً یاقمده اولدینی کورمارلیه قریه به کتوردکری و علی هذا مأمور مخصوص معرفتیه اجرا قلمان کشف و معاینه ده کندوسی دخی حاضر بولندینندن جنازه نک بولندینی محل قان ایه مامع اولدقندن بشقه مقتولک دیرمش اولدینی ایما ایدر برطاق امارات دخی کوردکریکی و اغاجک دورلمش و دالترینک قطع اولمسنندن ناشی جرح اولدقندن صوکره اغاج التته وضع ایلدیکیکی اکلادینی ووقعه دن یکری کون مقدم ککبوزده دن عودتلی صرده حادث اولان منازعه ده متهام رضانک حسینک خطاباً انشاء سنی اوریرم دیدیکی حسن بن مصطفانک وقت ظهرده آجی آجی برفریاد ایشتمکله دیکلدیکسندن سسک آرقسی کلدیکی و کیمک سسی اولدینی اکلایه مدینی جهته برافش اولدینی ایشیه مشغول بولندینی و فریادک مقتول حسینک بولندینی جهته واقع و ذاتاً ایشتمکده اولدینی رضا و حسینک بالطه سسلرینک اوسره ده منقطع اولدینی و مقتول

ایله متهاملرک بولندقاری محل آرمی بش دقیقه لق مسافه اولوب متهاملرک موقی ایسه بارجه شته اولدینندن مقتل دینیلان محل کورینورایدوکی و کشفده دخی کندوسی بولمش اولدینندن بار جانیه کیدن چاریق ایزنی دخی کوردیکی مصطفی بن علینک ووقعه دن چند کون مقدم حادث اولان منازعه ده رضانک مقتول حسینک قارشو بوراده برشی بیامز ایسم تنهاده ایشی بتریرم دیدیکی حسین بن عیسی و یوسف و رجب و منلا اوغلی محمدک حضور محکمه ده مواجهه و یوم وقعه ده اوکله وقتی عموجه عموجه دیو برچوجق سسی ایشتمدیکی و مقتولک بولندینی محل ایه متهاملرک اودون کسدگری محل آرمی برقروشون منزلی قدر اولدینی اذمید جهته کیتیمی ایلدن افاده مضبوطه استنطاقیه سی اوقونان حقوق عمویه شهادی زخیری ولد استاورینک استنطاقاً مع الیمین اخبار و تبیین ایتلری خصوصاتی و متهاملر رضانک زوجیه سی نائمه خانمک زوجنه عائد بوطوری درده بیقارکن قمرزی صو آقیدینی مقتولک والده لکندن ایشتمدیگری شامل عایشه وسعیده خانمک اظهار حق ایچون او قوتدیریلان مضبوط افاداتی و کشف ورقه سنک حسینک مقتولاً وفات ایتدیکی مین و طیب راپورینک آلت جارحه نک متهاملر رضانک قاسی ایدوکی و مقتولک آلت قاطعه ایه نخاع شوکی و شریان سباتی ایتنک قطع اولمسنندن متحصل ترندن وفاتنک وقوع بولندینی متضمن اولوب مندرجاتی ایسه مقتول مرقومی حیوان مفترسک اهلک ایتدیکی میدانه قوبدقندن بشقه مادامک بروفق مشروح وقعه کونی متهام رضا و اسماعیلک بولندقاری محطیدن برچاریق ایزنی مقتله قدر کشش و اوکون چاریق اکنسا ایتدیکی رضا اقرارده بولمشدر و مادامک محل وقعه قریب محللرده بشقه احتطاب ایدن کسسه اولدینی و مقتول ایه میانه لرده برودت اولان دیگر فرد آفریده بولندینی اکلاشلامشدر و مادامک آلت قاطعه نک جرحیه عند التطبيق متهامندن رضانک قاسی اولدینی فنا تبین ایشتمدر اشبو دلائلک تجمع و تلفق و مقتولک دفن اولدینی کون متهامندن رضانک زوجیه سنک درده بوطور ییقامسی اماره سنک دلائلک مسروده به تلاصق ایتسندن حاصل اولان قرائته و آرمه دن کچن مدته قان لکله لرینک محوی ایچون تشبث اولنه جق سبب ممکنه نظراً فعل مذکوری متهامندن رضانک ایقاع ایشش اولدینی خصوصنجه قساعت وجدانیه حاصل و بناء علی ذلک مرقوم رضانک انکار و تأویلاتی و اسباب مشروحه به قارشو وکیلک برائته داتر مدافعاتی باطل اولوب انجق وقعه دن یکری کون مقدم وقوع بولان برودت یوم وقعه به قدر مرقوم رضانک

تصورینک استمرارینه دلالت ایدیه میه جکسندن و چونکه طاغده بولشملری اوزرینه تکرار بیلننده برمنازعه حادث و منازعه حادثه نک جرح و قتل باعث اولمی محتمل و تعارض احتمالی ده متهام لهنه اولان جهتنک ترجیحه قواعد عمومیه متکفل اولدینندن مدعی عمومی معاوئلکنک تعدده عائد مطالباتی حیز قبولدن عاظم اولمسنه مینی متهامندن رضانک ۳۳۲ سته سی کانون ناینسینک یکری ایکنجی صالی کونی شیه به تابع ازلی قریه سنده طاشلی برون نام موقعه حسینی من غیر تعدد جرح و قتل ایلدیکی ثابت اولمغه اولوجهل مجرمیتنه و دیگر متهام اسماعیلک وقعه دن مقدمکی منازعه ده حاضر بولنامش اولدینی مثلو کندوسنک مجرمیتی موجب برکونه دلیل و اماره دخی اولمادینندن و جنازه نمازنده ده حاضر بولندینی اخباراتله اکلاشیدینندن برائته و مظنون علیها علی و بکر افندیلرک مقتولک جنازه سی اخفا قصدیه دفن ایتدیگری حکومت محلیه به اخبار ماده ایتلرندن و اخبارلرینک تأخیرینه دخی وقعه زمانلرندن شتاک شدتی و رفک کزنی و قریه لرینک مرکز قضایه اولان بعدتی سبب اولدینی و افسال اضطراریه نک محظوراتی مباح قیله جی عیان اولمغه آنلرکده عدم مسئولیتلرینه و جاهاً و منفقاً قرار ویریه لرک محاکمه او طه سته عودته قرار مذکور علناً قرائت و بیان اولندقده و برائته قرار ویریلان اسماعیل ایه عدم مسئولیتلری تقرر ایدن مظنون علیها علی و بکر افندیلر موقع مخصوصلرندن خارجه چیقاردقندن صوکره معاون مومی ایه مجرم رضانک قانون جزانک یوز یتش دردنجی ماده سنک فقره اولاسنه توفیقاً تحدید جزاسنی طلب و دعوی و وکیل مومی ایه ایه مجرم مرقوم دخی بشقه دیه جگری اولدینی انبا ایتلریله بوجهت محاکمه نک دخی اختتامی بالافهام تکرار مذاکره او طه سته کیدلدی .

جهت جزائییه حقدن دخی مذاکره کیفیت اولندقده مجرم رضانک حرکتی قانون هایون جزانک یوز یتش دردنجی ماده سنک فقره اولاسنه موافق و فقره مذکورده « برکسسه من غیر تعدد برشخصی اتلاف ایتش ایسه اون بش سته مدته کورکه وضع اولنور » عباره سی ناطق اولدینندن اشبو حکم قانونی به توفیقاً و ابتدای توقیفی اولان ۳۲۵ سته سی محرمک برنجی کوندن اعتباراً اون بش سته مدته کورکه قولنسه و مصارف حکمه اولان یوز ایتش و شاهدلره مصارف سفریه اولقی اوزره جانب وزنه دن آلتوب اعطا قلان درتیوز سکسانک جمعا التیوز قرق غروشک دخی کندوسندن بالتحصیل عدلیه

وزنه سنه تسليم ايتديرلسنه ٣٣٣ سنه سی تشرین ثانی سنک
اون بشنجی کونی کذلک وجاهاً و متفقاً قرار ویریلهرک
اصول تفهیمی ایفا قلندی .

آندونه ناموسه طوقور سوزسویلدیکی تین ایدن
میخالدن برلیرا جزای نقدی آلمسنه
علقونک صوباجی استراطی یی ضرب و جرح
ایلدیکی تین ایتکه بر آلتون آلهرق مضروب مرقومه
اعطاسنه

بکرك اچهنی سرق ت ایلدیکی تین ایدن یورکینک
التي ماه مدتله حبسنه و ختام مدت جزائیه سنه
کفالتله ربطنه

سر سربیلکی تین ایدن محمد علینک بر ماه مدتله
حبسیله برسنه ده ضبطه نظارتی آلتنده بولندیرلسنه
بک اوغلی بدایت محکمه سی جزا دائره سنجه قرار
ویرلشدیر .

مُجَامَلَاتُ اَنْتِبَاھِیَّه

الاستان قضای نائی و بدایت محکمه سی رئیس
مصطفی فیضی و محکمه مذکوره اعضاسندن مستنطق
حاجی شرجیل و مدعی عمومی معاونی و کیلی پولیس
قومیسری اسماعیل حق و ضبط کاتبی محرم و طیب
نشان افندیلرک مواد معینه ده وظائف قانونیه لرینی
سوء استعمال ایلدکلری حلب ولایتی استیناف
محکمه سی مدعی عمومیلکندن وارد اولان اوراق
تحقیقه محتویانندن مستبان اولسنه مبنی ضبط کاتبی
محرم و طیب نشان افندیلر حقلرنده برلکده تعقیبات
اجرا اولنق اوزره رئیس و اعضا و معاون و کیلی
مومی الیهک محاکمه آلتله آلملرینه عدلیه نظارت
جلیله سندن مأذونیت و یریلهرک مذکور مدعی عمومیلکه
تبلیغات مقتضیه اجرا و رئیس مومی الیهک کیفیت
محاکمه سندن طرف عالی مشیختنهای یه ده معلومات
اعطا ایدلشدیر .

اِخْلَافَات

نجات بحریه محکمه سنه

در سعادتده چاقا قیلر جاده سنه اغویان خانی
قارشوسننه کی مغازه ده مانیفا طوره تجارتیه مشغول
م . ماه متجیان افندیلرک ٦ مارت سنه ٣٣٤ تاریخندن
اعتباراً اعلان افلاسنه و مصالح افلاسیه نک رؤیت
و تسویه سی ضمنتده اعضای محکمه دن سعادتلو ابراهیم

بکک ژورقومیسر و دعوی وکیلرندن اوخانس
باراویان و شمعون لوی افندیلرک موقت سنديک
تعیینلرینه و مغازه سیله اشیا زائده بیتیه سنک تمهیرینه
واوراق و دفاترینک جلیله و کفالت مصدقه ارايه
ایده مدیکی تقدیرده حبس و توقیفنه و بوباده کی قرارک
موقتاً اجراسنه تجارت بحریه محکمه سنجه قرار
ویرلش اولدیغندن قانوننامه تجارتک ١٧٠ نجی ماده سی
موجبجه دائمی سندیکلر انتخاب اولنق اوزره اشبو
٣٣٤ سنه سی مارتنک یکرمی ایکنجی جمعی ایتسی
کونی ساعت یدی راده لرنده اصحاب مطلوبک محکمه
مذکوره نک مصالح افلاسیه رؤیتنه مخصوص اوطه سنه
کلری اعلان اولنور .

ایکنجی تجارت محکمه سنه :

بازیدده جامعلی خنده ٢ نومرولی اوطه ده مقیم
ایراقلی بلادونیدینک الیوم اقامتکاهلری مجهول
قصاب اوغلی قسطنطی و شریکی یانی علیلرینه اقامه
ایلدیکی حجزک فکی دعواسی نتیجه سنه مالیه خزینة
جلیله سنک ٩٤٦٠ غروشی حاوی ٤ تشرین ثانی سنه
١٢٩٤ تاریخلی و ١٠٠٦٠ عدد عمومی و ١٢ دفتر
عمومی نومرولی برقطعه تصفیة دیون سرکیسی اوزرینه
غائب مرقومان طرفلرندن ٥ کانون اول سنه ١٢٩٤
تاریخنده وضع اولسان حجزک فکی حکمتی متضمن
در سعادت ایکنجی تجارت محکمه سندن استحصال
ایلدیکی ١٩ شباط سنه ٣٣٣ تاریخ و ٣٠٤ نومرولی
اعلام غیابینک صورت مصدقه سی محکوم علیه مرقومان
قسطنطی و شریکی یانینک اقامتکاهلری مجهول اولسی
حسبیه اصول محاکمه حقوقیه قانونک ١٤٩ نجی
ماده سنک فقره اخیره سی موجبجه تبلیغ ایدلش عد
اولنق اوزره محکمه نک دیوانخانه سنه تعلیق اولندیکی
کی اوراق حوادث واسطه سیله دخی اعلاننه ابتدار
قلندی .

غلطه ده خاویار خنده مقیم بانکر سی . جراسی
افندیلرک اقدجه استانبولده سرکه جیده تراموای
جاده سنه کائن ماریچه اولتنده ساکن ایکن الیوم
اقامتکاهی مجهول حاجی یوان . ن . یاقوف علیه
اقامه ایلدیکی مطلوبات دعواسی اوزرینه یکرمی عدد
فرانسز لیراسنک مع فائز و مصارف محاکمه تحصیلی
حکمتی متضمن در سعادت ایکنجی تجارت محکمه سندن
استحصال ایلدیکی ٥ کانون ثانی سنه ٣٣٣ تاریخ
و ٤٦٣ نومرولی اعلام غیابینک صورت مصدقه سی
محکوم علیه مرقوم حاجی یوان . ن . یاقوفک
اقامتکاهی مجهول اولسی حسبیه اصول محاکمه
حقوقیه قانونک یوز قرق طقوزنجی ماده سنک فقره

اخیره سی موجبجه تبلیغ ایدلش عد اولنق اوزره
محکمه نک دیوانخانه سنه تعلیق اولندیکی کی اوراق
حوادث واسطه سیله دخی اعلاننه ابتدار قلندی .

اعومات شرعیه اجرا دائره سنه :

کوتاهیه وی زاده مرحوم محمد عارف افندیلرک
نقود موقوفه سی متولیس ساحتلو حاجی محمد
نوری افندی حضرتلرینک حامی متوفی چاقر
اوغلی علی افا ذمتده وقف مذکور نقودندن
با اعلام شرعی آلهجنی اولان مبالغ معلومه نک
تأمین استیفاسی ضمنتده مدیون متوفای مومی الیهک
عهده سنه اولوب اشبو دینی مقابلنده مرهون
و فروختی محکوم بولنان سراجخانه قربنده حیدرخانه
محل سنه یشیل تکیه جاده سنه واقع ١١ نومرو ایله
مرقم چلبی محمد افا حامی دیمکه معروف بر باب حمام
کدکنک نصف حصه شایعه سنک اشبو تاریخ اعلاندن
اعتباراً اون بش کون صوکره بالزایده فروخته
تشبث اولنه جغندن طالب اولانلرک پی سورمک
واطرافلیجه معلومات آلق ایستینلرک مدت مذکوره
ختامندن صوکره در سعادت اعلامات شرعیه اجرا
دائره سنه مراجعت ایللری اعلان اولنور .

بفاد تجارت محکمه سنه :

بغدادک قشل هناویلر محل سنه بزاز وهیب بن
امینک مبدأ عجزی بالآخره ماصهجه اوراقته کوره
اجرا قلنه جق تدقیقاته بناء و یریلهرک بیاننامه یه کوره
تعیین و حکم و اعلام اولنق اوزره موقتاً اعلان
افلاسنه و مصالح افلاسیه نک رؤیت و تسویه سی ضمنتده
اعضای محکمه دن حقیل افندیلرک ژورقومیسر و دعوی
وکیلرندن سعادتلو عبدالجبار افندی ایله شاقل داود
افندیلرک موقت سنديک تعیینلرینه و مغازه سیله اشیا
زائده بیتیه سنک تمهیرینه و اوراق و دفاترینک جلیله
و کفالت مصدقه ارايه ایده مدیکی تقدیرده حبس
و توقیفنه و بوباده کی قرارک موقتاً اجراسنه بغداد
مرکز بدایت محکمه سی تجارت قسم سنجه قرار ویرلش
اولدیغندن قانوننامه تجارتک ١٧٠ نجی ماده سی
موجبجه دائمی سندیکلر انتخاب اولنق اوزره ٣٣٣
سنه سی شباطنک یکرمی بشنجی جمعی ایتسی کونی
ساعت التي راده لرنده اصحاب مطلوبک محکمه
مذکوره نک مصالح افلاسیه رؤیتنه مخصوص اوطه سنه
کلری اعلان اولنور .